

Arkiv	Saksbehandlar	Møtedato	Sak nr.
362.0	Knut Øyjordet	01.07.21	22/21

## ANG. REGLAR FOR GJERDING RUNDT FRITIDSHYTTER

### *Saksdokument:*

Sakene 24/20, 35/20 og 7/21 i fjellstyret.

### *Saksutgreiing:*

Spørsmål om reglar for gjerding rundt fritidshytter har fjellstyret behandla fleire gongar. I sak 24/20 vedtok fjellstyret:

*Når det gjeld reglar for gjerding rundt fritidshytter, så viser fjellstyret til tidlegare vedtak og meiner det generelt må vera strenge reglar for gjerding rundt hytter både i og utanom regulerte område. Løyve til inngjerding bør berre skje i område med beitedyr, og unntaksvis også for å skjerme seg mot «vær og vind». Eit gjerde for å skjerme seg mot storfe må vera eit viktigare argument for inngjerding enn mot sau, men fjellstyret ser også behovet for å kunne gjerde inn område rundt ei hytte mot sau.*

*Fjellstyret registrerer nå at Statskog foreslår reglar som samsvarer med retningslinene i kommuneplanens arealdel og som allereie er vedteke for enkelte regulerte hytteområde. Dette gjeld spesielt å kunne akseptere lengde på gjerde opp til 50 meter. Fjellstyret er einig i at det vil vere ein stor fordel at kommunen og Statskog «opererer» med like reglar. Fjellstyret meiner difor at 50 meter med gjerde bør kunne tillatast rundt hytter i enkelte område der omfang av beitedyr på utmarksbeite er stort, og spesielt der det blir beita med storfe. Men før fjellstyret tek endeleg stilling til dette, vil fjellstyret sende forslaget på høyring til beitelaga og faglaga. Fjellstyret meiner at eit gjerde rundt ei fritidshytte må vera festa i vegg eller veranda i båe endar.*

I sak 35/20 vedtok fjellstyret:

*I forslaget frå Statskog om reglar for gjerde rundt fritidshytter i Langmorkje statsallmenning, viser fjellstyret til vedtak i sak 24/20. Fjellstyret har gjennomført ei høyring blant beitelaga og faglaga, og det har ikkje kome merknader på fjellstyret sitt vedtak.*

*Når det gjeld detaljar omkring reglar for gjerde, ber fjellstyret Statskog om å tilpasse reglane med kommunen sine reglar i kommuneplanens arealdel.*

*Fjellstyret vil etter kvart i høyring av behandling av enkeltsøknader, foreta ei «sonering» av statsallmenningen, dvs. kva for område det bør tillatast at hyttefestarar kan få sette opp gjerde på inntil 50 meter, og kva for område det ikkje bør tillatast gjerde på inntil 50 meter. Dette har samanheng med omfang av beitedyr på utmark, som er svært ulikt frå område til område i Langmorkje, og som også kan endre seg over tid. Fjellstyret kan allereie nå signalisere at ein generelt vil sjå positivt på gjerde med inntil 50 meter i område det er størst omfang av beitedyr i utmark.*

Og i sak 7/21 vedtok fjellstyret følgjande:

*I behandling av søknader frå fem hyttefestarar om inngjerding rundt hytter, så viser fjellstyret*

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

*til vedtak i sakene 24/20 og 35/20. Fjellstyret meiner at det i Lemonsjøområdet generelt må kunne tillatast å gjerde inn inntil 50 meter rundt hytter, både innafor og utafor dei regulerte hyttefelta. Dette fordi det er eit bra omfang av beitedyr på utmarksbeite her, både storfe og sau. Fjellstyret har difor ingen merknader til at dei tre hytteeigarane ved Lemonsjøen som har søkt om inngjerding, får løyve til dette. I eit eventuelt løyve frå Statskog, må detaljar omkring reglar for gjerde, vilkår osv. tilpassast kommunen sine reglar i kommuneplanens arealdel. Løyve til inngjerding i regulerte hytteområde må også vera innafor rammene i reguleringsføresegner.*

*Når det gjeld søknaden frå Arvid Jordet om gjerding rundt hytte ved Flatningen, og frå Øyvind Bergli for gjerde rundt hytte ved Øvre Sjudalsvatnet, så vil fjellstyret ta stilling til desse søknadene og dette med «sonering» av dei aktuelle områda etter ei synfaring på forsommaren.*

Under fjellstyret si synfaring på Heimfjellet den 11. juni i år vart det ein stopp ved hytta til Arvid Jordet og på synfaringa i Sjudalen den 22. juni vart det sett på søknaden frå Øyvind Bergli. Båe møtte opp og orienterte om omsøkt trase for gjerde og med grunngeving for ønskje om gjerde.

#### *Vurdering:*

Fjellstyret har tidlegare vedteke at ein bør foreta ei «sonering» av statsallmenningen i behandling av enkelt søknader om gjerde ved hytter, og sjå dette opp mot omfang av beitedyr i utmark. Fjellstyret har også vedteke at 50 meter med gjerde rundt ei hytte bør kunne tillatast i enkelte område der omfang av beitedyr er stort, og spesielt der det blir beita med storfe. Fjellstyret vedtok difor tidlegare i år at det i Lemonsjøområdet generelt må kunne tillatast å gjerde inn inntil 50 meter rundt hytter.

Etter nærare kartlegging av omfanget av beitedyr, og da spesielt storfe på utmarksbeite, så har det generelt vorte ein auke i området Flatningen-Melingen i dei seinare åra, spesielt omfanget av flokkar med ammekyr. I denne delen av Heimfjellet er det også ein del fritidshytter. I Sjudalen, frå Randsverk og sørover, er omfanget av storfe på utmarksbeite mindre, det er spreidd over eit større område, og skjer hovudsakleg i område med få fritidshytter. I området Russlie/Russtangen kan det tidvis optre flokk/flokkar med storfe og som av og til vandrar vidare sørover mot Bessheim eller nordover mot Hindseter, men omfanget blir likevel vurdert som liten sett i forhold til konflikstar med hytteeigarar. Dette kan sjølvstendig endre seg med åra, men da må det kunne gå an å sjå på reglane på nytt eller gje dispensasjon for gjerding til enkelte hytteeigarar som ligg «utsett til».

Konflikstar med sau som «klengjer seg på» hytter blir også vurdert som liten i Sjudalen, sjølv om det sikkert førekjem enkelttilfelle innimellom. Men enkelteepisodar bør ikkje vera grunn nok for å kunne gjerde rundt ei hytte. I Hoskelie skal det vera fritt for beitedyr, sjølv om det førekjem at sau vandrar hit frå andre beiteområde. Ved Nedre Leirungen er det generelt ein del sau konsentrert ved buene der, men her er godt som alle buene inngjerda heilt eller delvis frå før.

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

**Innstilling til vedtak:**

Med bakgrunn i tidlegare vedtak i sakene 24/20, 35/20 og 7/21 om reglar for gjerding rundt fritidshytter, samt kjennskap til omfanget av beitedyr på utmarksbeite og vurdering av konfliktsgraden av dette i forhold til fritidshytter, så meiner fjellstyret at det i heile «Heimfjellet», dvs. frå og med Lemonsjøområdet og nordover generelt må kunne tillatast å gjerde inntil 50 meter rundt hytter, både innafor og utafor dei regulerte hyttefelt. Dette fordi det er eit bra omfang av beitedyr på utmarksbeite her, både storfe og sau. I Sjudalen derimot, frå Randsverk og sørover, meiner fjellstyret at det ikkje må tillatast oppføring av gjerde rundt hytter fordi konfliktsgraden blir vurdert som liten her. Unntaket er hyttene/buene ved Nedre Leirungen innafor sperregjerdet til Leirungsdalen beitelag.

For gjerding rundt hytter elles, så viser fjellstyret til vedtaka i dei nemnde sakene. Fjellstyret meiner det er viktig at hyttefestarane blir gjort kjent med reglane for gjerding rundt hytter, og at dei uansett reglar i dei kommunale planane må ha godkjenning frå Statskog.

**Vedtak:**

Samrøystes: Som innstillinga.

*Rett utskrift. Går til:*

Statskog v/Hilde Hammer

*Kopi til:*

Vågå kommune

Vågåmo, 02.07.21

Knut Øyjordet (e.f)